

Compositor y Musico Arubano Rufo Wever

E pionero di Musica y Cultura Arubano 1917-1977



egoria.

1. E calidad di Rufo su composicionnan ta di nivel hopi halto, esaki por scucha no solamente den su wals nan pero tambe den e variedad di diferente tipo di musica manera e mazurka, tumba y danza.

2. E cantidad di composicion, total un 400 di cual 100 ta composicionnan completo pa orkesta of tambe por wordo toca pa medio di piano of guitarra of saxofon. Hopi artista y gruponan tipico y tambe orkesta a graba e composicionnan. Mayoria di Rufo su composicionnan ta instrumental.

3. Rufo tabata e prome musico contemporaneo conoci cu a compone y cu su com-



posicionnan ainda ta wordo graba. E prome composicion di Rufo ta e immortal wals "Arubanita" cu a wordo compone na aña 1935, esaki ta un composicion di importancia historico pa Aruba. E aña aki (2015) e composicion a cumpli 80 aña y te ainda ta ser cumpla frecuentemente den diferente version.

4. Rufo Wever tabata un mu-



sico completo. Esaki tabata encera e tabata toca diferente instrument manera saxofon, acordeon, piano, guitarra, cu arta y clarinet. Rufo tabata compositor. Rufo tabata areglista, lesa y skirbi musica.

5. Ademas Rufo tabata e prome persona na Aruba cu a cuminsa traha e cilindernan pa e cahi orgel y el a haci esaki pa 33 aña.



driguez Timmer pa Rufo. Sra. Rodriguez a cuminsa siña Rufo e conocimiento di musica en general. Manera cu Rufo a haya e piano e mes tabata practica ariba dje.

Tempo cu Rufo ta tin apenas 10 aña su tata a fayece repentinamente y a laga Rufo y su tres otro rumannan huerfano. Su mama Shon Annette, un dama di caracter fuerte y semper cu un conducta correcto a sigui e lucha pa hiba su famia padilanti. Aki el a haya e sosten financiero di su famia.

Tempo cu Rufo ta tin 12 aña ya e por a toca piano na un manera admirabel. Tambe el a siña su mes saxofon, guitarra, cuarta, clarinet y otro instrumentonan ritmico.

Tempo cu Rufo ta tin 15 aña el a lanta e orkesta musical "Melody Band" hunto cu su amigonan: Tom Lampe (fio), Wewe Croes (fio), Boysie Lampe (fio), Twai Croes (trompet), Clemente Lacle (drum), y Rufo na piano. Despues tambe ajoin e grupo Padu Lampe, primo segundo di Rufo, y aki a cuminsa nan amistad.

Nan 1935, inspira door di e famoso compositor y cantante Argentino Carlos Gardel cu a bishita Aruba e aña ey, y cu Rufo a haya un oportunidad pa actua hunto cun'e, Rufo a lanta su grupo di tango "Los Trovadores Tropicales" hunto cu su amigonan Clemente Lacle (cantante) y guitaristanan: Harold Hopmans, Carlos Booi, Jan Croes y Shemmi Coronel. E conhunto aki tabata e prome conhunto musical di Aruba cu a toca na un radio na Corsou, radio Curom.

Inicio como compositor

Aña 1935 tabata un aña hopi significativo pa historia musical, Rufo a compone na edad di 18 aña, su prome wals "Arubanita" y e composicion aki a cuminsa e era di com-



posicionnan Arubano moderno. E composicion aki a bira asina conoci y gusta cu te awe despues di 80 aña di su composicion e ta sigui ta un di e composicionnan mas toca den historia musical di Aruba. El a wordo toca y graba pa un variedad di artistanan y cu hopi frecuencia por tende na radio y television. E tabata e prome wals, Arubano y Antiano, cu un miembro di Cas Real, Reina Juliana, a ballia riba dje.

E composicion di "Arubanita" tin su significacion historico y cultural pa Aruba, pasobra e ta e prome composicion cu su autor ta conoci y cu te ainda ta wordo graba y toca.

Despues di su prome composicion a sigui un sin fin di composicionnan refina y cu un sabor picante. Entre otro e famoso wals di tres parti "Encantadora", su segundo wals, e wals complejo "Annette" den tres parti dedica na su mama. E wals "Aruba", bunita y elegante e ta representa e gran dignidad di e pueblo di Aruba. E wals "Antillenhuis" el a dedica na e minister Arubano y su gran amigo Wim F.M. Lampe.

Rufo su amor pa su isla ta obvio ora ripara cuanto biaha el a uza e number Aruba: wals "Arubanita", wals "Aruba", himno "Aruba Dushi Tera", tumba "Aruba tiera bunita", "mambo di Aruba", wals "Mi Aruba Stima".

Tambe tabatin algun composicion cu su gran amigo y colega Padu Lampe:


E tumba "Chanita" cu letra di Hubert Booi, e immortal calypso "Carnaval" di aña 1954 cu a bira famoso cu e cantante Edwin Zichem y naturalmente e himno nacional di Aruba "Aruba Dushi Tera" composita na 1953 y graba pa prome bes den version di orkesta na Venezuela pa e orkesta di Don Anibal Abreu.

Continuacion riba pagian 11

Dia 30 di December 2015 ta recorda 38 aña cu e gran compositor y musico Arubano, Rufo Wever, a fayece.

Un dia prome cu aña bieu 1977 a drenta e triste noticia cu e genio musical Rufo Wever a fayece di un pulmonia. Un delegacion a biah di Corsou bou di guia di Gobernador di Antias, Drs. Ben Leito pa e entierro cu a tuma luga dia 2 di januari 1978, bou di e tononan di e Orkesta Arubano Simfonico. E luna di december tabata uno hopi special den bida di Rufo. El a nace ariba un 8 di december, el a fayece ariba 30 di december, tambe tabata un luna di december cu su talento musical a wordo descubri ora el a haya, relaciona cu fiesta di Sinterklaas, un sonfonia di boca regalo. Tambe den e dianan di fiesta di fin di aña tabata dianan hopi special pasobra hopi musico tabata bin bishita Rufo na cas na Wilhelminastraat 33 y automaticamente cada un ta pasa man pa nan instrument preferi y tabata cuminsa toca.

Rufo su importancia den historia di musica Arubano por wordo poni den cinco cat-





Continuacion di pagina 10

Un don musical

Compone tabata facil pa Rufo y a sigui un total di mas of menos 400 composicion. Di esaki mas of menos 100 ta composicionnan completo pa piano of orkesta y 300 ta composicionnan y areglo pa cahi orgel.

Rufo su composicionnan ta inclui : wals, tumba, bolero, zamba, mambo, porro, merengue, danza, mazurka , polka y calypso. Tambe ta di importancia pa menciona cu ademas di compositor, Rufo tabata areglista y tur e areglonan e tabata haci su mes. Semper Rufo tabatin un of otro melodia den su cabes, p'esey tabata wordo existi di e muchanan di famia pa no haci ningun ruido, pasobra esaki por causa cu Rufo ta perde e melodia di e composicion cu e tabata ocupa cun'e.

Den un entrevista sostene cu Rufo na 1968 ariba e pregunta cu di tur su composicionnan cual ta su faborito, e contesta tabata rapido : e wals "Encantadora"!

Na edad di 21 aña Rufo a cuminsa cu e trabou di cahi orgel. Aruba conoce awe na aña 2015 mas of menos 118 aña di musica di cahi orgel na Aruba, pero Rufo tabata e prome persona cu a cuminsa traha e cilindernan pa e cahi orgel na Aruba y el a haci esaki pa 33 aña. Anteriormente e cilindernan tabata bay Corsou. E hecho aki tambe ta duna Rufo Wever un luga special den historia di musica folklorico di Aruba. Pa hopi di e composicionnan cu Rufo a haci pa caha di orgel el a uza e number artistico A. N. Tillano. Den historia di musica di caha di orgel por wak e nomber aki ta aparece na hopi caminda y hopi hende no sa cu esaki ta Rufo mes.

Na 1941 den un accidente fatal Rufo a perde su brasa robes, a pesar di e tragedia

tabata wordo uza mas.

Dia 30 di December 1977, a pesar cu Rufo su salud a bay atras, sinembargo el a fayece inespera di un pulmonia.

Aruba y Antias a perde un di su musiconan di mas grandi, e pionero di e musica y cultura moderno di Aruba.

Awe ta cumpli 38 aña di su fayecimento, pero e herencia cultural cu el a laga atras pa su isla cu tanto el a stima lo keda aki den nos bida y nos alma cada bes cu nos tende e tononan vibrante di su musica.

Aki ta sigui un lista di al- gun di e composicionnan : Wals:

Arubanita, Encantadora, Llorando, Mis Penas, Padu Del Caribe, Glenda y Herbert, Flamingo Room, Aruba, Pensando en Ti, Emelina, Dulce, Pensamiento, Preciosa, Bonita, Palomita, Biba pascu, Violeta, Trupial, Chuchubi, Solo solo, Bandolero, Antillenhuis, An-



nette, El libertador, Suavidad, Belinda

Tumba: Paranderos, Awa blauw, Tienda nobo, Den steef, Bam zoya, Compa Nanzi, Sucu dushi, Giambo bieu, Ta m'a bula e waya, Ring ring, Coba pos, Mi oloshi, Mes ora, Pan Cayente, Aruba tiera bunita, Tumba pa gozar, Sabrosita, Calientito, Bitter bay, Pikitin pikitin

Bolero: Tè quiero, Algun dia sere feliz, Gracias amigo

Zamba: Boom, boom, boom

Mambo: Mambo de Aruba

Porro: Marinero

Merengue: Nenita bonita, Merengue popular, Wega bala, Galia, Me gusta mas, Pura candela

Mazurka: Revuelta,

Alegria, Curaçao

Polka: Fiesta, Gasta Dek, Gozando

Calypso Carnaval (cu Padu Lampe), Pimienta

Danza: Danza Alegre. □